

## Rau Ite Imin Tol Tau Yoan Iboode 3 Jon—3 John

<sup>1-2</sup> O etag ite Gaius, yau nginiinj to lupuunj to Krisi tau nabood rau tane ilat payo. Yau lolog igheen tsio kat. Pasaa, saveenj onoon ilup ghiit tamin eemon wa. Yau nawatagh: Yo uleep poia pa gabua to anunuun. Ve naghe uleep poia pa gabua to anonjaan paam, o poia. Tauvene naghason Maaron naghe i maata payo, lesu moroghoonj eta igham ghom sov, ve tinim poia mon, ve gabua isov ighur poi payo.

### *Gaius itaghon duduñai saveenj onoon*

<sup>3</sup> Tonvetaz toit siriv tilam, ve tipaesia varum payau tighe yo ukis saveenj onoon tunja, ve laghoonj tsio, yo utaghon duduñaini. Tauta igham ghau lolog poia kat.

<sup>4</sup> Isaav ighe yau naloonj tighe natugnja tau napaghazonjai zi pa eez to Krisi na laghoonj toozi iduduunj itaghon saveenj onoon, ene igham ghau lolog poia iliiv gabua naol isov. \*

### *Gaius injin poghania yes tau tilaagh pa uraat to Krisi*

<sup>5</sup> Etag ite, yau lolog igheen tsio kat. Yau naghit ghom naghe tinim ibees kat pa uraat tsio to nginiinj yes tonvetaz to Krisi pa lepoogh toozi. Onoon, tam-tamon siriv, muunj yo uwatagh zi mako. Eemon

---

\* **1:4:** 2Yo 4

saawe tau tilat peria tsio, yo ugham zi toman lolom poia, ve unġin poghani zi.

<sup>6</sup> Ngar poia tau yo utotoia pazi na, yau nawataghi pasaa, tamtamon toozi siriv tilam ve tipaesia varum ila lupuuġ to Krisi gha nilooġa. Tighe yo lolom pazi ve ugham poghani zi kat. Isaav ighe tipaburigin laghoon toozi muul, na ughit zi pa saa gabua tau timbool pani na ve uul zi pani. Leso ugham Maaron loolo poia. \*

<sup>7</sup> Pasaa, yes tipul nugh toozi sorok mako. Yes tilaagh pa votiaaġ Krisi eeza. Ve yes tau tighur ila to Krisi mako na, zeran tana lolozi pa ghamuuġ uleen eta ila toozi mako.

<sup>8</sup> Zeran tauvene, iit aat tagham zi toman loloon poia, ve taġġin poghani zi. Leso itiġa talup ghiit pa uraat to votiaaġ saveeġ onoon.

### *Ngar saghati to Diotrepes*

<sup>9</sup> Muuġ, yau nabood saveeġ siriv pa lupuuġ tsiam. Eemon Diotrepes tau izuari ghi ighe le imin daaba tsiam na, i izorzoor saveeġ tsiei.

<sup>10</sup> Tauvene murei, isaav ighe nalat navot tsiam, ene aat navotia ngar saghati tooni ivot ighazoon. Pasaa, i iġaġġal saveeġ sasaghati naol payei. Ve tane mon mako. Isaav ighe tonvetaz siriv to Krisi tighe tilat tigig gham, ene i irau igham zi toman loolo poia mako. Ve isaav ighe tsiam siriv tighe tigham zi, ene paam, i iġgalsekin zi, ve izirziir zi pa lupuuġ to Krisi.

<sup>11</sup> Etag ite, lolog igheen tsio kat. Ngar saghati tauvene, yo utaghoni sov. Yo aat utaghon ngar poia mon. Pa tamtamon tau ighe itaghon ngar

---

\* **1:6:** Tit 3:13

poia, ene i tamtamon to Maaron. Eemon isaav ighe tamtamon eta ighamgham ngar saghati, ene itotoia ighe i ighilaal Maaron irao soone. \*

*Ngar poia to Demitrius*

<sup>12</sup> Eemon Demitrius, tamtamon tisov tipait vaaru. Pasaa, ngar tau i ighamghamu na, ene iduduun itaghon saveen onoon. Ve yei paam nipaiti. Ve yo uwatagh: Saveen tsiei, ene onoon mon.

*Yoan ipasov saveen tooni*

<sup>13</sup> Yau leg saveen naol to nasavia payo. Eemon lolog pa bodeen ni ila rau mako.

<sup>14</sup> Pasaa, lolog ighur naghe malau mako pale taug natal naghit ghom ve ituru tasavsaav.

<sup>15</sup> Luuma to Maaron aat iza tsio. Onoon.

Zetaanja siriv tau yenja nileep sene, tigham aaz poia payo. Ve yo paam, ugham aaz poia tsiei pa zetaanja tau tileep izi ta sena. Uwaat ezazi le tisov, ve ugham aaz poia tsiei pazi.

---

\* **1:11:** Mbo 37:27; 1Yo 3:6+

**Maaron Saveen Tooni Patabuyaang  
The New Testament and portions of the Old Testament  
in the Tuam dialect of the Saveeng language of Papua  
New Guinea. The Saveeng language is also called the  
Mutu language.  
Sampela hap Buk Baibel long tokples Saveeng Tuam  
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb